



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 79. Terræ motus Constantinopoli.

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

§. LXXIX.

Sæcul. XVI.
A.C. 1509.

Terræ motus Constantinopoli.

Hoc item anno tum diversæ per universam ferme Europam regiones, tum præcipue urbs Constantinopolitana horrendo terræ motu per solidum mensem & amplius concussa fuit, ac tanto quidem impetu, ut omnibus pene urbis mænibus everfis, ipsa ærarii arx quinque munitissimis turribus firmata, & alia ædificia quam plurima corruerint; & quamvis Bizarrus testetur, Christianorum templa a communi ruina fuisse immunia, Græci tamen Scriptores hac super re non consentiunt; nihilominus ingens illud Sanctæ Sophiæ templum nihil læsum fuisse constat, etsi turris eidem sacræ Ædi a Turcis imposita, necnon sepulchrum Mahometis II, qui Bajazethis Parens erat, maximis sumptibus extructum penitus prostratum fuisset. Ad dunt nonnulli, calcem, & crustam, qua Sanctorum imagines a Turcis fuerant obtectæ, ita decidisse, ut eæ perinde ac si recens depictæ & confectæ fuissent, apparerent. Præterea Auctor quidam Germanicus, qui tunc Constantinopoli agebat, tradit, ruinam Mense Augusto incæpisse, Annales autem Turcici Exaltationis S. Crucis diem Mensis Septembris

Surit. in comm. Bizarr. rer. Persic. lib. 10. &c. Leunclav. l. 16. Turco-Græcialib. I.

Cuspin. de Imp. in Bajazeth. II

Leunc. de Reb. Turcic. lib. 5. c. 14.

Basel. in append. ad Naucler.

Raynald. hoc ann. n. 34.

Sæcul. XVI. designant. Proditur etiam durante hoc
A.C. 1509. telluris motu, mare inter Constantinopolim & Peram adeo infremuisse, ut utramque civitatem superatis mœnibus inundaret. Porro incolarum numerus, qui tunc perierant, in quibus plurimi etiam ex Proceribus numerabantur, ad tredecim ferme millia ascendit. Bajazethes ipse Hadrianopolim se recipiens nonnisi in casa ex levibus tignis constructa, periculum evasit, quo cessante ad octoginta Architectorum, & Fabrorum millia collegit, quorum opera ruinæ reficerentur.

§. LXXX.

Arsenius a Græco Patriarcha Constantinopolitano excommunicatus.

Crus. in Turco-Græc. l. 2. Guillet. La-ced. anc. & nov. p. 327. Spond. hæc ann. n. 16. **M**ense Junio ejusdem anni pronunciatam reperimus a Patriarcha Constantinopolitano Græco, quem Pachemium fuisse autumant, excommunicationis sententiam adversus Arsenium Monembasiæ, seu Epiduari in Morea Archiepiscopum. Is quidem Vir doctrina insignis, sed Prædecessore suo adhuc superstite ab uno Episcopo, & duobus Presbyteris Venetorum opera consecratus fuerat: Igitur Patriarcha sententiam excommunicationis, necnon depositionis